



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale, seu Institutio Sacerdotum, Ex Divinis Litteris Et Veterum Patrum Disciplina

Torres, Alfonso de

Ingolstadii, 1604

De genu flexionibus, manuum eleuationibus, & pectoris tusionibus in
oratione. §. III.

[urn:nbn:de:hbz:466:1-48973](https://nbn-resolving.org/urn:nbn:de:hbz:466:1-48973)

bata est, consolationem, &c. Noli antequam perfecte emunderis, lacrymarum tuarum imbribus credere: neq; enim habet fidem vinum statim è torcularibus expressum, &c. Sane absq; metu ruinæ est, qui ex mortis, scelerumq; memoria genas suas viuentium aquarum perpetuis imbribus rigat, &c. *S. Io. Climacus de luctu gaudij opifice, gradu 7.*

*De genuflexionibus, manuum
elevationibus, & pectoris
tunfionibus in ora-
tione, §. III.*

SUMMARIVM.



ANCTI veteris, & noui Testamenti, inter orandum genua flectebant, & manus in cælum leuabant. 1. 2. 4. 5. 6. 7. 8. 10. 11. 12.

Etiam ipse Dominus. 3.

Genua autem non flectuntur diebus Resurrectionis, nec Dominicis, & quare. 12.

Manuum eleuatio, quid notet. 13. 14.

Pectoris tunfio, quid. 9. 15. 16.

FACTVM est, cum compleffet Salomon orans Dominum omnem orationem, surrexit de conspectu altaris Domini: vtrumque enim genu in terram fixerat, & manus expanderat in cælum. 3. Reg. 8.

Q 3

Flexis

- 2 Flexis genibus Salomon cōtra vniuersam multitudinem Israël, & palmis in cælum leuatis, ait: Domine Deus Israël, &c. 2. *Paralip. 6.*
- 3 Auulsus est ab eis quantum iactus est lapidis: & positis genibus orabat. *Luc. 22.*
- 4 Eiectis omnibus foras Petrus ponens genua orauit. *Act. 9. 20. 21. Is. 45. Rom. 14. Philipp. 2.*
- 5 Cumq; leuaret Moyse manus, vincebat Israël: sin autem paululum remisisset, superabat Amalec. *Exod. 17. De cuius rei significatione vide S. Isidorum in Exod. c. 25.*
- 6 Clamaui ad te Domine, tota die expandi ad te manus meas. *Psal. 87.*
- 7 Leuemus corda nostra cum manibus ad Dominum in cœlos. *Tren. 3. Cor cum manibus leuat, qui orationem cum opere subleuat. S. Isid. de summo bono l. 3. c. 7.*
- 8 Volo vos orare in omni loco, leuantes puras manus coram Domino. *1. Tim. 2.*
- 9 Publicanus à longe stans percutiebat pectus suum, dicens: Deus propitius esto mihi peccatori. *Luc. 18.*

Genuflexionibus Deum placari.

- 10 QUANDO non geniculationibus, & ieiunationibus nostris etiam sic cittates sunt depulsæ? &c. *Tertullianus ad Speculam, de fuga in persecutione.*

Oran-

Orandum genibus flexis omni tempore,
præterquam Dominicis, & Resurre-
ctionis diebus.

SCIENDVM, quod, exceptis diebus Dominicis, II
& illis solemnitatibus; quibus sancta & vniuersa-
lis Ecclesia ob recordationem Dominicæ Resur-
rectionis solet stando orare, fixis in terram geni-
bus, suppliciter clementiam nobis profuturam,
nostrorumq; criminum indulgentiam deposcen-
dam esse. Cuius rei in Euangelio ipse Dominus *Luc. 22.*
dedit exemplum. Sed & Stephanum Martyrem, & *Act. 7. 9*
Apostolum Paulum eadē fecisse liber Actuum Apo- *20. 21.*
stolorum testis est. Ex quibus intelligi datur, oport-
ere Christianū humiliter in terram prosterni, ne
forte illi dicatur: Cur superbis terra, & cinis? *Conc.*
Turon. c. 37. Burchardus l. 3. c. 235. l. 13. c. 9. S. Basil. l. 3.
aduersus Eunomium, & serm. 27. de Spiritu sancto. Epi-
phanius l. 3. aduersus hæreses. Ven. Beda serm. inf. oct.
Ascens. dist. 30. c. si quis Presbyter.

De eodem: & quid indicet genuum fle-
xio.

SED & genua in his Resurrectionis Dominicæ 12
diebus in oratione iuxta morem minime flecti-
mus: quia genuum inflexio pœnitentiæ, & luctus
indiciū est. Quod etiam obseruandum in omni-
bus Dominicis diebus, propter eiusdē Resurrecti-
onis, vel Dominicæ, vel nostræ Sacramenta Patres
instituerūt. *Ven. Beda ser. inf. oct. Ascens. Conc. Nicænū*

de cons. dist. 3. c. quoniam. Sexta Synodus c. 90. Cassianus coll. 21. c. 11. 20. Martinus Bracharensis Episcopus dist. 30. c. si quis Presbyter. S. Basilius serm. 27. de Spiritu sancto.

Manuum eleuatio, quid indicet.

- 13 SI in pristinam actionis vitam (quantum Dominus vos custodire dignabitur) redire non valeatis, manus vestras in sublime porrigentes, ostendite: quia magis cœlestia, quam terrena diligatis, & vestra iam conuersatio in cœlis est. S. Eligius hom. 8. in die Cœnæ Domini ad publice pœnitentes, in Appen- dice Bibliothecæ Sanctorum Patrum.

De eodem: ex naturali paruulorum instinctu.

- 14 CUM manus fuerit in sublime expassa per secretam operum distinctionem, tunc mentis nostræ perspicacitas aciores resumit vires, id quod Israël dicitur. Proinde obserua, hic non esse dictum: Cum eleuaueritis manus vestras, sed, Cum extenderitis. Si quidem eleuat, qui cœlestia quaerit: extendit autem, & qui indignus est corporalis subsidij. Cum igitur extensio manuum identidem fiat ab ipsis infantibus per affectum erga nutrices, aut matres, hisce verbis declarat vim affectiuam eorū, qui preces effundebant. S. Basil. super c. 1. Isaie. Eleuare manus, hoc est, opera & actus eleuare ad Deum, & non habere actus deorsum deiectos, & humi iacentes, sed eo placitos, & ad
cœlum

cœlum erectos. Eleuat ergo manus, qui thesaurizat in cœlum, &c. *Origenes hom. 11. in c. 17. Exod.*

Pectoris tunsio quid notet.

CONFITENDO, puniendo peccata tua, quid ali-
ud significat pectorum tunsio, nisi forte putamus
ossa nostra aliquid peccasse, cum cœdimus & tun-
dimus pectus? sed significamus vos cor conterere,
vt à Domino dirigatur. *S. August. super Ps. 246. &
ser. 80. 36. de verbis Domini, & 48. de tempore. Tun-
sio pectoris, obtritio cordis. Idem Ps. 31. Enarrat. 2.*

De eodem.

PECTVS percutimus, signantes, quod nequiter
egimus, displicere nobis: ac ideo, antequam Deus
feriat, id nos in nobis ipsis ferire; & ante-
quam extrema relatio veniat, com-
missum poenitentia digna pu-
nire. *Nicolaus. 1. cum respon-
sis ad consulta Bulgar.*

cap. 54.



Q 5

CAP.